



REPubLIKA E KOSOVËS - REPUBLIKA KOSOVO  
KOMUNA E VUSHTRRIË - OPŠTINA VUÇITRAN

01 Nr. / Br 48/23

Nr. i fq. / Br. si -7-

Data: / Datum 23.02.2023

VUSHTRRI - VUÇITRAN



**REPUBLIKA E KOSOVËS  
KUVENDI I KOMUNËS - VUSHTRRI**

---

**RREGULLORE  
(KKV) NR.02/2023 PËR FILLIMIN DHE MBARIMIN E ORARIT TË  
PUNËS TË VEPRIMTARIVE AFARISTE – BIZNESEVE NË KOMUNËN E  
VUSHTRRIË**

**Shkurt, 2023**

Në bazë të nenit 12, paragrafi 12.2, shkronja (c) dhe nenit 40, paragrafi 40.3 të Ligjit Nr.03/L-40 për Vetëqeverisje Lokale, nenit 40 të Ligjit Nr.2004/18 për Tregtinë e Brendshme, dhe në bazë të dispozitave të nenit 19, paragrafi 1, pika 1.3 të Statutit të Komunës, Kuvendi i Komunës së Vushtrrisë në mbledhjen e mbajtur më **23 shkurt 2023** miratoi këtë:

**RREGULLORE**  
**PËR FILLIMIN DHE MBARIMIN E ORARIT TË PUNËS TË VEPRIMTARIVE**  
**AFARISTE - BIZNESEVE NË KOMUNËN E VUSHTRRISË**

**Neni 1**  
**Qëllimi**

1. Me këtë rregullore themelohet baza juridike për rregullimin e orarit të punës për veprimtaritë afariste biznesore në territorin e Komunës së Vushtrrisë.

**Neni 2**  
**Fushëveprimi**

Veprimtaritë afariste - bizneset në pajtim me nenin 1 të kësaj rregulloreje, janë të obliguara t'i përmbahen orarit të punës, të përcaktuar me këtë rregullore.

**Neni 3**  
**Orari i punës**

1. Orari i punës nënkupton periudhën kohore të fillimit dhe mbarimit të punës.  
2. Orari për fillimin dhe mbarimin e punës, i përcaktuar me këtë rregullore, duhet të vendoset në hyrje apo në vend të dukshëm të objektit në të cilin kryhet veprimtaria afariste – biznesi dhe duhet saktësuar fillimi dhe mbarimi i orarit të punës, si dhe ditët që nuk punohet.

3. Orari i punës përcaktohet në bazë të dy periudhave, në atë verore dhe dimërore, në këto intervale kohore:

3.1 Periudha verore fillon më 1 prill dhe zgjat deri më 31 tetor të vitit kalendarik;

3.2 Periudha dimërore fillon më 1 nëntor dhe zgjat deri me 31 mars të vitit kalendarik.

**Neni 4**  
**Orari i punës për dyqane zejtare dhe veprimtari të ngjashme**

4.1. Furrat e bukës dhe pastiqeritë:

4.1.1 Periudha verore prej orës 06:00 – 23:00;

4.1.2 Periudha dimërore prej orës 07:00 – 22:00;

4.1.3 Ditëve të diela do të punojnë deri në ora 12:00.

4.2 Furrat e bukës gjatë muajit të Ramazanit mund të punojnë pa ndërprerë 24 orë.

4.3. Autoserviset, autolarjet dhe vullkanizerët:

4.3.1 Periudha verore prej orës 08:00 – 19:00;

4.3.2 Periudha dimërore prej orës 09:00 – 18:00.

4.4. Rrobaqepësit, këpucëtarët, serviserët dhe orëtarët:

4.4.1 Periudha verore prej orës 08:00 – 20:00;

4.4.2 Periudha dimërore prej orës 08:00 – 18:00.

4.5 Sallonet e ondulimit:

4.5.1 Periudha verore prej orës 06:00 – 20:00;

4.5.2. Periudha dimërore prej orës 08:00 – 19:00.

4.6. Frizerët:

4.6.1 Periudha verore prej orës 08:00 – 20:00;

4.6.2 Periudha dimërore prej orës 08:00 – 19:00.

4.7. Salduesit, teneqepunuesit, farkëtarët dhe dyqanet tjera zejtare:

4.7.1 Periudha verore prej orës 08:00 – 19:00;

4.7.2 Periudha dimërore prej orës 08:00 – 18:00.

4.8. Ditën e vikendit (e diel) dhe ditët e festave zyrtare, dyqanet zejtare nuk do të punojnë, në përjashtim të veprimtarive zejtare neni 4, paragrafi 4.5, të cilët do të caktojnë një ditë pushimi brenda javës - ditëve të diela ose të martave.

## **Neni 5**

### **Orari i punës i qendrave tregtare, marketeve, dyqaneve tregtare ushqimore, pijeve, duhanit, si dhe tregtia e çdo veprimtarie tjetër të artikujve joushqimorë**

5.1. Qendrat tregtare, marketet, dyqanet tregtare ushqimore, të pijeve dhe duhanit:

5.1.1 Në periudhën verore prej orës 07:00 – 22:00;

5.1.2 Në periudhën dimërore prej orës 08:00 – 21:00.

5.2. Tregtia e veprimtarive të artikujve joushqimorë:

5.2.1 Periudha verore prej orës 08:00 - 22:00;

5.2.2 Periudha dimërore prej orës 08:00 - 21:00.

5.3. Autosallonet dhe autopjesët e automjeteve të përdorura:

5.3.1 Periudha verore prej orës 08:00 - 20:00;

5.3.2 Periudha dimërore prej orës 08:00 - 18:00.

5.4. Ditën e vikendit (e diel) dhe festave zyrtare, bizneset nga neni 5 nuk punojnë, përveç dyqaneve tregtare ushqimore në fshatra, të cilat do të punojnë deri në orën 12:00.

## **Neni 6**

### **Orari i punës i depove**

- 6.1. Depot e të gjitha llojeve të veprimtarive afariste:
  - 6.1.1 Periudha verore prej orës 08:00 - 18:00;
  - 6.1.2 Periudha dimërore prej orës 08:00 - 17:00.
- 6.2. Ditën e vikendit (e diel) dhe ditëve të festave zyrtare, bizneset nga neni 6, nuk punojnë.

## **Neni 7**

### **Akomodimi, shërbimet ushqimore dhe të pijeve**

- 7.1. Restaurantet, veprimtaritë shërbyese të pijeve, qebaptoret, gjellëtoret, fast food, veprimtaritë lëvizëse të ushqimit dhe veprimtaritë e ngjashme:
  - 7.1.1 Në periudhën verore prej orës 07:00 - 00:00;
  - 7.1.2 Në periudhën dimërore prej orës 07:00 - 23:00.
- 7.2. Akomodimi në hotele dhe motele është i njëjtë në të dy sezonat 24 orë - (non-stop).
- 7.3. Diskotekat dhe klubet e natës:
  - 7.3.1 Në periudhën verore prej orës 22:00 - 04:00;
  - 7.3.2 Në periudhën dimërore prej orës 21:00 - 03:00.
- 7.4. Veprimtaritë afariste — bizneset që organizojnë muzikë live, evente të ndryshme dhe ahengje familjare, mund të punojnë më gjatë se orari i punës, por jo më shumë se ora 03:00 e mëngjesit.
- 7.5. Veprimtaritë afariste nga paragrafi 7.4 i këtij neni, duhet të kërkojnë leje të veçantë (24 orë më herët) për orar më të gjatë të punës (deri në ora 03.00 e mëngjesit), të cilën e lëshon Drejtoria për Ekonomi, Bujqësi, Pylltari dhe Zhvillimi Rural, kurse për vazhdimin e orarit të punës duhet paguar taksë shtesë tridhjetë (30.00) € për orë.

## **Neni 8**

### **Orari i punës për aktivitete sportive dhe rekreative, lojërat zbavitëse, internet-kafetë**

- 8.1. Stadiumet, palestrat sportive dhe objektet tjera rekreative, për të dy sezonat 08:00 - 00:00.
- 8.2. Lojërat zbavitëse dhe internet-kafetë:
  - 8.2.1 Në periudhën verore prej orës 07:00 - 00:00;
  - 8.2.2 Në periudhën dimërore prej orës 08:00 - 23:00.
- 8.3. Qendra trajnimi për aftësim praktik dhe teorik me armë, për të dy sezonat 08:00 - 00:00.

### **Neni 9**

#### **Orari i punës për qendrat e thirrjeve “Call Center”**

Bizneset që ushtrojnë veprimtari “Call Center” dhe veprimtari të ngjashme, orari i punës do të përshtatet me orarin e punës sipas orës së shteteve, të cilat kanë tjetër matje kohore.

### **Neni 10**

#### **Orari i punës për tregje**

10.1 Tregjet e qytetit dhe tregjet e lokaliteteve:

10.1.1 Në periudhën verore prej orës 07:00 — 19:00;

10.1.2 Në periudhën dimërore prej orës 08:00 — 18:00.

10.2. Ditën e vikendit (e diel) dhe ditëve të festave zyrtare, bizneset nga neni 10, paragrafi 10.1, nuk punojnë.

10.3. Tregu i kafshëve punon vetëm ditën e premte, prej orës 07:00 - 15:00, përjashtimisht javës së Kurban Bajramit.

### **Neni 11**

#### **Orari i punës për pikat e shitjes së karburanteve**

11.1. Pikat e shitjes së karburanteve punojnë për të dy sezonat 24 orë non-stop.

11.2 Restorantet dhe marketet e vogla deri 100 m<sup>2</sup>, si dhe veprimtaritë tjera afariste të cilat janë të ngjitura me pika të shitjes së karburanteve, përjashtimisht autolarjeve, mund të punojnë për të dy sezonat 24 orë non – stop.

### **Neni 12**

#### **Orari i punës për barnatore, ordianca dhe klinika private**

12.1. Barnatoret, punojnë për të dy sezonat prej orës 07:00 - 22:00, me përjashtim të ditëve të diela.

12.2. Barnatoret do të punojnë në harmoni me planin për kujdestari, të hartuar në bashkëpunim me Drejtorinë për Shëndetësi dhe Përkujdesje Sociale;

12.2.1. Barnatoret kujdestare punojnë gjatë ditëve të punës 22:00 deri në ora 07:00;

12.2.2 Barnatoret kujdestare gjatë ditëve të diela punojnë prej orës 07 :00 - 22:00;

12.2.3 Barnatoret kujdestare gjatë ditëve të diela pas orës 22:00 punojnë sipas orarit të përcaktuar në paragrafin 12.2.2.

12.3. Ordinancat dhe klinikat private punojnë për të dy sezonat prej orës 07:00 - 22:00.

**Neni 13**  
**Orari i punës për ndërtimtari përfshirë renovimet e jashtme, të brendshme dhe infrastrukturën tokësore dhe nëntokësore**

13.1 Ndërtimtaria përfshirë renovimet e jashtme dhe të brendshme dhe infrastrukturën tokësore dhe nëntokësore:

13.1.1 Në periudhën verore prej orës 08:00 – 18 :00;

13.1.2 Në periudhën dimërore prej orës 08:00 – 17:00.

13.2 Ditën e vikendit (e diel) dhe ditëve të festave zyrtare, veprimtaritë nga neni 13, nuk punojnë.

**Neni 14**  
**Orari i punës për barnatoret bujqësore, dyqanet me produkte bujqësore dhe ordinancat veterinare**

14.1 Barnatoret bujqësore, dyqanet me produkte bujqësore dhe ordinancat veterinare:

14.1.1 Në periudhën verore prej orës 08:00 – 19 :00;

14.1.2 Në periudhën dimërore prej orës 08:00 – 18:00.

**Neni 15**  
**Orari i punës për miniera dhe gurore**

15.1 Minierat dhe guroret:

15.1.1 Në periudhën verore prej orës 08:00 – 18 :00;

15.1.2 Në periudhën dimërore prej orës 08:00 – 16:00.

15.2 Ditën e vikendit (e diel) dhe ditëve të festave zyrtare, veprimtaritë nga neni 15, nuk punojnë.

**Neni 16**  
**Orari i punës i veprimtarive financiare dhe të sigurimit**

16.1 Veprimtaritë financiare dhe të sigurimit:

16.1.1 Në periudhën verore prej orës 08:00 – 17 :00;

16.1.2 Në periudhën dimërore prej orës 08:00 – 16:00.

16.2 Ditët e vikendit (e shtunë dhe e diel) dhe ditëve të festave zyrtare, veprimtaritë nga neni 16, nuk punojnë.

**Neni 17**  
**Orari i punës i veprimtarive të patundshmërisë**

17.1 Veprimtaritë e patundshmërisë:

17.1.1 Në periudhën verore prej orës 08:00 – 18 :00;

17.1.2 Në periudhën dimërore prej orës 08:00 – 17:00.

17.2 Ditën e vikendit (e diel) dhe ditëve të festave zyrtare, veprimtaritë nga neni 17, nuk punojnë.

**Neni 18**  
**Orari i punës i veprimtarive profesionale, shkencore dhe teknike**

18.1 Veprimtaritë profesionale, shkencore dhe teknike:

18.1.1 Në periudhën verore prej orës 08:00 – 18 :00;

18.1.2 Në periudhën dimërore prej orës 08:00 – 17:00.

18.2 Ditën e vikendit (e diel) dhe ditëve të festave zyrtare, veprimtaritë nga neni 18, nuk punojnë.

**Neni 19**  
**Orari i punës për shërbimet administrative dhe mbështetëse**

19.1 Shërbime administrative dhe mbështetëse:

19.1.1 Në periudhën verore prej orës 08:00 – 00 :00;

19.1.2 Në periudhën dimërore prej orës 08:00 – 23:00.

**Neni 20**  
**Orari i punës i veprimtarive arsimore dhe edukimit joformal**

20.1. Veprimtaritë arsimore dhe edukimit joformal:

20.1.1 Në periudhën verore prej orës 07:00 – 21:00;

20.1.2 Në periudhën dimërore prej orës 07:00 – 20:00.

20.2 Ditën e vikendit (e diel) dhe ditëve të festave zyrtare, veprimtaritë nga neni 19, nuk punojnë.

**Neni 21**  
**Orari i punës për biznese përpunuese dhe prodhuese**

**21.1 Bizneset përpunuese dhe prodhuese**

21.1.1 Në periudhën verore prej orës 08:00-20:00;

21.1.2 Në periudhën dimërore prej orës 08:00-19:00

21.2 Bizneset përpunuese dhe prodhuese mund të punojnë 24 orë pa ndërprerë, nëse në ato biznese nuk mund të ndalet procesi i përpunimit dhe prodhimit.

21.3 Bizneset nga paragrafi 21.1, ditën e diel nuk do të punojnë përveç bizneseve nga paragrafi 21.2.

#### **Neni 22**

#### **Pezullimi i përkohshëm i dispozitave të kësaj rregulloreje**

Në rrethana të caktuara sipas vlerësimit të Kryetarit të komunës dhe rekomandimit nga faktorë tjerë institucionalë dhe qytetar, Kryetari i komunës mund të pezullojë përkohësisht zbatimin e dispozitave të caktuara të kësaj rregulloreje dhe të përcaktojë me vendim orarin e përkohshëm brenda vitit kalendarik për veprimtari të caktuara biznesore.

#### **Neni 23**

#### **Dispozitat ndëshkuese**

Të gjitha veprimtaritë afariste - bizneset do të gjobiten nga 300.00 -1,000.00 €, në qoftë se veprojnë në kundërshtim me dispozitat e kësaj rregulloreje.

#### **Neni 24**

#### **Dispozitat kalimtare dhe përfundimtare**

24.1 Për zbatimin e kësaj rregulloreje do të kujdeset: Drejtoria për Inspektime - inspektorati i tregut, Drejtoria për Ekonomi, Bujqësi, Pylltari dhe Zhvillim Rural, policia e Kosovës.

24.2 Të gjitha veprimtaritë afariste - bizneset janë të obliguara që të harmonizojnë orarin e punës me dispozitat e kësaj rregulloreje, në afatin prej tridhjetë (30) ditësh, nga dita e hyrjes në fuqi të kësaj rregulloreje.

24.3 Me hyrjen në fuqi të kësaj rregulloreje, shfuqizohet Rregullorja KKV-Nr. 06/2020 datë 30.7.2020 për Fillimin dhe Mbarimin e Orarit të Punës të Veprimtarive Afariste - Bizneseve në Komunën e Vushtrrisë.

#### **Neni 25**

#### **Hyrja në fuqi**

Kjo rregullore hyn në fuqi pesëmbëdhjetë (15) ditë pas regjistrimit në Zyrën e protokollit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

**Melihate Basholli-Latifi**  
  
**Kryesuese e Kuvendit**